

順義縣志卷之一

知順義縣事蜀西晉熙黃成章子達甫修纂

蜀西貢士張大西文林甫校訂

彤勝

山州

景致

古蹟

天開麗景地擁名區靈泉毓秀異蹟呈奇源泉浩浩芳草萋萋舟車輻輳烟火迷離志彤勝

山川

千巒聳翠擁間氣之菁英曲水揚芳洩扶輿之佳麗山海每呈夫珍錯天寶物華河嶽恒降乎甫申地靈人傑此名山大川所由秀鍾圍內而勝傳壤外者也順境白河諸水遶其東狐奴諸山峙其

北雖不堪與千巖競秀萬壑爭流者比類而並觀然而登陟之餘足供凭眺流覽之下雅堪溯洄吾知將來此都之騷人詞士登高以舒嘯臨流而賦詩者未必不給賞于茲矣

狐奴山

俗名呼奴山在治東二十五里即漢太守張堪墾稻處麓有慈濟張真人祠舊傳鄧訓與上谷太守任興屯兵

于此以防匈奴烏桓訓開水田二千餘頃今尙存

鞋山

在呼奴山西百步許孤峯踈峙踵趾如鳥故名上有廟

牛欄山

在治北二十里相傳中峯洞內有金牛出現故曰牛欄

桃花山

在治南五里

龍山

在治南五里

崗山

在治南五里卽三山隱秀景

史山 在治西北上有臥佛寺

白河

州一名路河發源塞外從石塘嶺白馬關入故曰白河赴通

爲自在河內有七渡俗以兩岸沙白寸草不生故名

潮河

一名濡河自塞外興州發源山古北口西南經密雲縣東

響如潮聲故名

大水峪河

發源塞外過懷柔縣至順義縣孫各庄東北會黃花鎮河入牛欄山白河

高梁河

卽曲水晴濤景

刪義縣志卷二

刑勝

景致

彭烟湘雨壯宇宙之奇觀峨雪巫雲擅方隅之勝槩燕臺晚映乎
幽薊館築隗金黍谷暖發於溫陽春回鄒律彼異域之風景點綴
或猶藉于人爲繫本疆之况致生成固實本於天造順雖徧小境
內佳麗頗不勝收第緣凋瘵之餘半付荒烟蔓草舊志所載八景
已廢其四今復爲增補適足相當固非徒撫拾以侈填砌云爾也
後之覽斯志者鑒焉

附錄舊志原載八景并詩

柳屏疊翠

今廢

三月韶華次第催綠條嫋嫋擁城隈鶯啼陌上思張曠好付風

流醉眼開

龍泉烟寺

今廢

梵宮開處龍從雲泉上香生濯錦文烟裏鐘聲清徹界法王今
古護乾坤

松雨書聲

今廢

濤聲帶雨咏長篇無數伊吾曉夜傳若使黃童僅有此滿城白
屋盡登仙

聖泉三潮

今廢

森森通靈樂利多天畱甘冽大恩波流觴佳事追周社汐信惟
三自不磨

玉碰金馬

白玉擎天達四衢當年金馬駕雲車千秋底事難窮究前代文章入獻書

寶塔凌風

城南雄峙一浮屠鈴開風聲暑氣無自是清涼別世界應知漕洞迷凡夫

曲水晴濤

嵐氣散生晴更多水從曲處瀾偏安浙江不敢稱奇異瀆瀆渚泉類草顛

金牛古洞

宿分第九祀天郊色占中央力任勞潛洞牧童無處覓恐隨老

子赴蟠桃 以上載舊志

按前志舊載八景止存其四茲竟聽其缺半於邑志形勝殊覺無色因採境中形勝佳麗之尤者復增補之

玉碰金馬

今存治中街心一柱插天石堅而色瑩望之亭亭如玉四圍撐以盤龍石筍上覆寶蓋旁角皆掛風鈴下

座橫踞數丈重修有記

金牛古洞

今存治北二十里牛欄山陰昔傳洞中有牛頻頻出牧故山以牛欄名

寶塔凌風

今存治南關距城數十步層百級亭亭高聳不知創自何時

曲水晴濤

今存即治東高梁河曲流潏洄與晴光明媚相掩映

高臺仙閣

在治中署左斗峯上矗建觀音閣有碑俱在治中以甃莫知所始上蓋建觀音閣有碑

海島廻瀾

在白河東五里許寺名海島適

聖井涌泉

在治北狐奴山井水不涸常以盈春漲欲

三山隱秀

在治南五里許龍山桃山崗山並峙盤亘相連

雁義縣志卷二

形勝

古蹟

夏鼎商彝留三代之法物秦松漢栢遺千載之遐蹤垣墉半鞠荆榛猶堪憑弔臺榭平堆瓦礫曷勝感愴宋寢唐陵所在都有斷壁頽礎何處無之邑內前基故址應自不乏緣遭滄桑率多湮廢惟歷代舊治故城屯衛苑監舊署以及都憲諸坊尙有遺蹤可跡猶見先代典型故樂志之以存什一於千百已耳

軍都縣舊城在縣西三十里義店北

安樂郡舊址在縣西北六里良牧署

狐奴縣舊城在縣東北三十里狐奴山西麓

土垠縣舊址在縣北門外里許

南河縣舊址在縣東南三十里

良牧署舊廨在縣西北五里許周環繚以城垣內建大堂二堂

各三間

有匾曰政宜忠恕康熙辛未署丞趙贊極立

後堂五間大門三間堂前古

碑一係明嘉靖間翰林李蒙撰記字半剝難卒讀因間卽其意而櫟括之大都謂署爲上林苑監設也其地遠接居庸近臨京鄙爲邊警告急往來所必經之處往歲嘉靖庚戌虜犯邊庭郡邑胥被其殘害人民多所殺傷搶掠荼毒害有不可勝言幸天威震疊廟算淵長固已奪醜虜之魂而褫其魄矣但居安思危慮患預防又所難免因給貲約三十餘兩復蒙督憲高公捐助七十餘兩遂命署丞董其事始于壬子之秋

終于癸丑之夏而堡垣乃成爰建廳舍庶民有倚托之藉而
官無斥堠之虞亦可資之以爲保障云于是乎記

都憲坊

爲少保李賓建明萬歷元年曹侯立

司馬大夫坊

爲辛丑進士張重建明萬歷八年立

恩崇坊

爲給事中楊寔建

諫垣坊

爲給事中萬英建今廢

繡衣坊

爲御史劉俊建在張各庄東門

寶燕山故里

在治東二十里南海子

邵康節故里

在治西十五里安樂里

井泉

宵井澄澄瑩徹映盤晶之鑑源泉滾滾翻瀾湧濺地之珠扳轡引
綆以汲來涓涓不竭穿渠溉畝以澆去混混長流傾向釜中資八
口灌從禾底潤千塍計邑內所穿井在鄉野者難以枚舉而附郭
者六地分內外味別苦甘人莫知其由至泉流多不概見惟呼奴
山下涌泉溉田千畝地可植稻民享其利獨爲鄰封諸邑所僅見
焉

靈蹟泉

在靈蹟山從佛座下湧出西
流繞元武溉稻田五十餘畝

東府村泉

在治東北至柳
各庄流入白河

絳州營泉

在治西北至板
橋入吝溝河

甘泉井

在舊署東墀中明嘉靖間
宜賓雷侯鑿水昔甘今苦

楊家苦水井

在治西隅

下坡井

在治東隅

廟前井

甘水在治西門內

東門甘井

在瓮城內

南門甘泉

在火神廟前

西門甘井

在西門外今廢

北門甘井

一在龍王廟前
一在龍王廟里許

良牧署井

在治西五里許

靈蹟井

在靈蹟院東廊下
水最甘美

滿井

在江頭即涌泉聖井景

沙井

在良牧署

楊各庄甘水井九口

向陽里甘水井八口

又灌園井一百零二口

塚墓

佳城鬱葱斷送騰公栖歆漆鐙光閃留待沈彬長埋白楊宅畔構
地坊助垂殘碣青松居前堆華表德著豐碑瞻翁仲以徘徊識先
朝之宰輔仰松楸而拜掃吊往代之英豪邑中鄉賢名宦古今代
不乏人水抱山環亦眠牛瘞玉之所特以年遠世湮文獻無徵誌
銘漫滅不能盡識姑以其僅存者志之

燕王墓

薛附馬墓

在西府村萬歷十三年築名環

李少保墓

在李家橋有碑銘墓表見藝文

宋將軍墓

在臨河村諱朝翠明鎮殿將軍

張真人墓

郎中丞墓

在梭陀庄諱永清官山東巡撫

郎副使墓

在梭陀庄諱廷棘官湖廣按察